

EPISTOLA
STANISLAI RESCII

De transitu & dormitione Illustriss. &

Reuerendis. D. Stanislai Hosii

S. R. E. Cardinalis, Maioris

Pœnitentiarij, et Epif-

copi Varmiensis.

8. 51. c. 20/2



ACERE non potui, ac ne debui
quidem N. quin ad te litteris meis
prescriberem de transitu, & dor-
mitione viri incôparabilis & Deo
amabilissimi Stanislai Hosij Car-
dinalis, Maioris Pœnitentiarij, &
Episcopi Varmiësis domini & be-
nefactoris mei obseruandissimi: tū
vt dolorem hunc meum, qui me



acerbissime cruciat, præclarissimarum rerum commemo-
ratione leniam: tum vt te animumque tuum iam, vt puto,
demissum & oppressum, ad calamitatem hanc fortiter &
moderate ferendam, isto officij genere excitem atque ex-
tollam: maxime vero omnium, vt Scripturæ dicenti obe-
diam; Sacramentum Regis abscondere bonum est: opera
autem Dei reuelare & confiteri honorificum. Spero in
Dei misericordia, quod hanc animi mei contentionem
adiuuabit is, qui talem cum facere dignatus est, de quo
scribimus.

Qualis vita mortem hanc præcellerit, non ignoras. Ve-
re de hoc plane diuino viro dici potuit, quod in omni vita
sua non abiit in consilio impiorum, & in via peccatorum
non stetit, & in cathedra pestilentie non sedit. Ab vtero
enim matris sue egressa est, cū pietas, & à diebus infan-

A tiz

tiæ suæ creuit miseratio, quam per omnem vitæ suæ cursum, summo semper studio animique contentione coluit, nec vnquam in via vanitatis ambulauit, nec curam suam in studiis inanitatibus vnquam posuit, nec se & virū & iuuenem esse, nisi in perferendis exantlandisque pro adeunda totius pietatis professione, laboribus expertus est: quod suo loco & tempore in oculis & in auribus omnium gentium ac nationum longe clarius & manifestius innotescet. Mihi in hoc tempore nihil aliud constitutum atque deliberatum est, quam vt ad te simul cum fama obitus eius, quæ protinus orbem vniuersum proculdubio peruolabit, eius quoque rei significatio perueniat, quam fuerit omnibus antea vitæ studiis consensuens & consentaneus hic eius ex hac mortali vita excessus, & quem præterea ordinem in anima sua Christo, à quo eam acceperat, repræsentanda conseruare voluerit: quamque verum sit illud, quod olim Sanctus quidam prædixit, Non potest male mori, qui bene vixerit.

Iam aliquot menses intercesserant, ex quo languidiuscule caperat habere, & alui fluxu paulo vehementiori laborare; nunquam tamen adduci potuit, vt plusculum aliquid & otio & quieti cæterisque vitæ commoditatibus indulgeret: sed in susceptâ propositaque sententia constantissime perseuerauit: nec de studiis, nec de lectione, vel scriptione, cæterisque pietatis exercitiis quidquam remisit, sed omnem animi sui contentionem, sicut ij solent qui ad metam instituti cursus accelerant, magis atque magis ad omnem pietatis meditationem incitauit. Cum autem in omni vita sua dies ieiuniorum ab ecclesia institutos religiosissime castissimeque seruasset; ne in hac quidem ætate sua decrepita sententiæ suæ constantiam voluit immutare. Quamobrem & superiorem Quadragesimam summa cum animi alacritate, in summa abstinentia, & in vsu quadragesimalium ciborum transegit: nec potuit vllis aut medicorum aut quorumcunque tandem precibus & cohortationibus, vt quos illi vocant, cibis vteretur salubrioribus.

expu-

expugnari. Immo vero solitus erat dicere, propterea se
ieiuniorum dies ab ecclesia institutos diligentissime obser
uare, quod vellet esse longæuus super terram. Scriptum
enim esse commemorabat; Honora patrem tuum & ma
trem tuam, vt sis longæuus super terram. Pater, inquit,
meus est Deus in cælis: mater mea est ecclesia in terris.
Ille præcipit vt ieiunem, ista præcipit vt his, vel illis diebus,
& illo, vel illo tempore ieiunem. Vtrumque libentissime
audio, certamque spem concipio futurum, vt obedientiæ
meæ fructum hunc referam, vt sim longæuus, sicut mihi
Scriptura promittit, super terram. Ab illo itaque tempo
re, nescio tamen an ex eadem causa, cæperunt vires sto
machi quodammodo relaxari; ita vt longe quam antè mi
nus vel cibum appeteret, vel acceptum concoqueret, aut re
tinere diutius posset. Paulo post autem diarrhææ quoque
morbo correptus est, qui nunquam postea constitit; cuius
ille tamē molestiam semper tulit moderatissime, nisi quod
plerumq; à studiis rerum diuinarum, & à plerisque officiis
eius interuentu retrahebatur, ita vt nesciret sicut ille dixit
olim, quando esset cum galea domo sua prodeundum. Sic
igitur cum esset valetudine valde dubia & incerta, magis
atque magis per aliquot menses ventris illa fluxione ex
hauriebatur. Ac monebatur quidem à nobis, vt antequā
cælum Romanum ignibus vehementioribus, quibus sole
bat vim pene totam satis languiduli corporis exhaurire,
inflammaretur, ab vrbe rusticatum secederet, valetudini
que daret operam. Sed is à perpetuo suo instituto reuocari
non potuit, vt ante festum Beatissimorum Apostolorum
Petri & Pauli, quorum venerandi cineres in vrbe requie
scunt, quos ille in summo semper cultu venerationeque
habuit, Roma pedem efferret: maluitque subire valetudi
nis suæ periculum, quam honori tantorum Apostolorum
in hoc ipso loco deesse, in quo profuso pro Christi fide san
guine, Deo suo spiritum reddiderunt, quem illis ad iij. Ca
len. Iulij Vrbs Roma simul cum orbe reliquo vniuerso so
let summa cum cerimonia celebritateque deferre. Sic igitur

tur ad v. Idus Iulij, quæ fuit feria sexta, dies commemoran-
dæ passioni Dominicæ destinata, ipse quoque ad sabeun-
dā passionem suam, Capranicam versus ex urbe disces-
sit: vbi cum per octo integros dies commodissime valui-
set, an quod in aerem paulo frigidiusculum ex calidissimo
ardentique celo Romano venisset, an ex alia quapiam
caussa incertum: magis tamen atque magis ventris pro-
fluuiū caput laborare, ita vt aliquando quindecim & sedē-
cim vicibus vno die egereret. Quæ res illi & cibi appeten-
tia ademit, & cursum somni impediuīt, & omnes in vni-
uersum vires corporis vehementer exhaustit & extenua-
uit: sed inuictum illud animi robur, & inflammatum erga
res diuinis studium, nulla calamitas, nulla corporis incom-
moda frangere debilitareque poruerunt. Nam cum illi per
omne vitæ suæ tempus fuisset hoc in more positum, vt in
ecclesiis ad honorem Dei & sanctorum eius consecratis,
Missæ sacrificiū vel offerret, vel offerentem Sacerdotem
videret, à veteri suo instituto animique inductione, ne in
illa quidem tanta corporis debilitate & languore sibi puta-
uit esse recedendū. Quamobrē etsi vix pedibus posset con-
sistere; ad ecclesiam tamen sensim pedetentimque singu-
lis diebus accedebat, in qua ad tremendum Missæ sacrifi-
cium Christianam Rempub. se suaque omnia diuinæ pri-
mum bonitati, deinde Sanctorum precibus & intercessio-
nibus deuotissime commendabat. Sed hanc illi facultatē
morbi quoque vehementia abstulit; ita vt non posset, nec
etiam tutum esset extra priuatos parietes pedem efferre:
quæ res, etsi maximum illi sensum doloris adferebat, illud
tamen longe grauisimum & acerbissimum accidit, quod
per aliquot dies ab audiendo Missæ sacrificio coactus est
abstinere: tum quod nullus certus esset ad res diuinas in il-
la domo locus destinatus; tum quod ecclesiasticorum ca-
nonum autoritas, & ipsius quoque Concilij Tridentini,
in quo personam Legati Apostolici magna cum dignitate
sustinuit, sanctiones prohiberent; vt ne paterentur Epis-
copi in priuatis domibus, atque omnino extra ecclesiam,

& ad

& ad diuinum tantum cultum dedicata Oratoria sanctum
hoc sacrificium à quibuscunque tandem peragi. Sed statim
succurrit piissimo eius desiderio diuina misericordia. Cū
enim de inualetudine tam laudati Cardinalis Episcopus
Nepefinus nuncium accepisset, vt virum Dei visitaret, Ca
pranicam accurrit, & celebrandi facultatem in priuato cu
biculo, id ipsum ab illo petente, summa cum humilitate;
Cardinali libentissimo animo concessit: neque tamen ad
duci vel medicorum consiliis, vel precibus nostris passus
est; vt languens & exhaustum atque deficiens corpuscu
lum in lectulo contineret; sed in aliud nihilominus offe
rendo sacrificio cubiculum destinatum, ita vt poterat, sece
debat: in quo genibus flexis, & manibus in cælum eleua
tis, vim lachrymarum profundens, Domini misericordiam
sola mentis animique sui contentione implorabat. Ac
cidit autem, vt à quodam ex suis moneretur, vt in sella po
tius sedens, quam in genua prouolutus, & in pectus incum
bens offerentem sacerdotem aspiceret. Cui paulo & præ
ter morem suum concitatus respondit, Ne me iam facias
delicatulum: sic par est, vt ego quem debeo cultum & reue
rentiam Deo meo exhibeam. Sed neque hoc passus est, vt
sacrificio durante stabello quisquam ventum excitaret re
frigerandi gratia. Cum ad cibum sumendum esset illi ac
cedendum, non ad refectionem, sed tanquam ad poenam
se vocari dicebat, ac sæpe coram medicis de suo patrefa
miliis (Stomachum autem intelligebat) questus est, quod
perperam munere suo perfungeretur, & alimenta quæ ad
illum reliquorum membrorum sustentandorum gratia trans
mittuntur, non in membra corporis diuideret, sed in se
cessum emitteret. Contendebant maiorem in modum
medici, vt intra vnus cubiculi parietes perpetuo se conti
neret, & cibum decumbens in lectulo sumeret: sed nullò
suo studio conatuque id vt faceret, perficere potuerunt.
Conati quoque sumus & nos illi persuadere, vt in eodem
lectulo diuinum Missæ sacrificium audiret: sed is nobis eū
quadam ignorantie & incogitantis consilij exprobatum,
minime

minime conuenire, respondit, vt ad cibum sumendum & lectulo surgeret, ad Deum laudandum prostratus in lectulo iaceret. Et quoniam summa debilitas omnia corporis membra magis atque magis affligebat; opetæprecium iudicabant medici, vt subinde cibo reficeretur: quem vt bene mane sumeret, quoties à nobis rogabatur, cum quadam animi commotiuncula suam infelicitatē deplorabat, quod in sua inque tam numerosa familia nemo inueniretur, qui ad recitandas preces, vel ad Missæ sacrificium audiendum adhortaretur, aut ad debitas Deo laudes tribuendas: inuitaret: sed omnes, quasi conspiratione facta, cibum istum corporalem obtruderent, seque vellent facere heluonem, & in eo summam recuperandæ valetudinis esse constitutam existimarent: se vero spem suam omnem non in medicorum artificio, nec in Galeni præceptis, nec in phasianorū & perdicū cadaueribus: sed in gratia Dei eiusque infinita misericordia reponere: cui si visum esset vitam longiorem concedere, potius id esset à spirituali cibo, qui in sacrosancto Missæ sacrificio proponebatur, quam à quibuscumque carnalibus epulis expectandum. Sic ergo aliquando contigit, dum Canonicas preces recitat, dum Missæ sacrificium audit, dum consuetas suas vestes in illo languore corporis induit, dum in secessum it atque redit, vt ad meridiem vsque & ultra prandium extraheretur. Cæterum S. D. N. Greg. Pont. cum intellexisset diuinum hunc virum, quem in ipso adhuc Concilio Tridentino in summa semper veneratione habuit, & cum esset Pontifex designatus, omnibus humanitatis officijs semper prosequutus est, Maiorisque Penitentiarij munere exornauit, in tantam corporis imbecillitatem incidisse; misit è vestigio D. Georgium Ticinium Camerarium suum, qui suo nomine paternam illi benedictionem impartiretur: vtque totam animi contentionem, atque suum illud acre & intensum studium ad tuendam valetudinem conuerteret, quam diligentissime adhortaretur: ante omnia vero vt Romam primo quoque tempore rediret, in qua maior esset futura rerum necessariorum

cessariarum abundantia, & omnis omnium medicorum
industria, ad reprimendam istius morbi vehementiam con
uertere facilius posset, nec vllius medicinæ facultas esset illi
vnuquam defutura: se quoque nullam occasionem esse præ
termittendum, qua posset quocunque tandem officij atque
pietatis genere, afflictam hanc eius valetudinem subleua
re. Hoc tam benigno Pontificis nuncio, atque ista plane
paterna sollicitudine fuit non parum recreatus Cardina
lis, sed cum deiectas esse & prostratas prorsus omnes cor
poris sui vires intelligeret, nullam sibi facultatem relictam
esse respondit, vt ex eo in quo manebat loco pedem posset
efferre; tum & ipsum anni tempus, quominus ad urbem
accedere liceret, & sanos & infirmos vehementer deterro
re. Quod ad reliquas commoditates, & victus & medici
narum opportunitates attinet, se in media plane urbe
versari. Nam Illustrissimus Dominus Cardinalis Farne
sius (quem in omni sermone suo summa cum honoris præ
fatione, & patriæ & valetudinis suæ protectorem appella
re consuevit) ex Caprarola sua, in qua ipse quoque men
ses æstiuos duceret, omnia ad victum & ad valetudinem
curandam necessaria, & abundantissime, & copiosissime,
& animo libentissimo suppeditabat; immo & sui quoque
medici operam & industriam ad studium recuperandæ va
letudinis conuertit. Erat enim & extra urbem & in ipsa quo
que urbe præstantissimorum, ac doctissimorum quorum
cunque virorum de tuenda conseruandaque tam salutaris
Ecclesiæ Dei viri valetudine sollicitudo, ita vt passim non
solum vota publica per urbis Ecclesias, viri conseruandæ
religionis Catholicæ studio inflammari facerent, sed etiam
operas suas & rem & fortunas libentissimo animo offer
rent, dummodo posset hæc tam solida Ecclesiæ Dei cõ
lumna ab imminente casu prolapsioneque liberari. Inter
hos autem Regni Poloniæ, patriæque nostræ Vicepro
tector Illustris, Cardinalis Sabellus vir prudentiæ, humanita
tis & grauitatis laudibus abundans, cum à multis annis pie
tatem innocentissimi Cardinalis adamasset, illique omni
bus

bus in rebus gratificari semper contendisset, hoc præcipue
 tam necessario tempore admirabilem curam & sollicitudi-
 nem omnibus officiis præstandis declarauit: ac modo non
 singulis horis & momentis de afflictâ Cardinalis valetudi-
 ne laborauit, & quæcunque tandem ad eam restituendam
 necessaria per assidia summa voluntate pleno amicissimi de-
 siderij animo suppeditauit: cui se hoc nomine plurimum
 debere semel & iterum Cardinalis in auribus nostris testa-
 tus est. Interim ex Vrbe quoque venit officij causa Reue-
 rendus Dominus Episcopus Montis regalis, qui summa
 cum dignitate apud Henricum, & Stephanum Poloniæ
 Reges Nuncij Apostolici munus per annos aliquot susti-
 nuit: quem cum in cubiculum introduxissem, incredibile
 est quâto cum gaudio vir diuinus exceperit: sublatis enim
 in celum manibus, vim lachrymarum profundes, Adue-
 nisti, inquit, desiderabilis, cuius ego præsentiam vix optare
 nedum expectare in hoc anni tempore potuissem: spero
 quod per te malis meis diuina decreuit succurrere miseri-
 cordia. Is ergo cum illum esset aliquandiu consolatus, &
 ad sustinendam morbi molestiam in omni patientia admo-
 neret; Cardinalis ex alto suspiria ducens, oculorû acie in
 celum conuersa; Paratus sum, ait, & non sum turbatus.
 Fiat voluntas Domini, fiat voluntas Domini. Cæpitq. de
 suo patrefamilias conqueri, quod mala secum fide ageret;
 & alimenta quæ in sustentationem reliquorum membrorû
 distribuere debebat, sine vlllo fructu, sed non sine ma-
 ximo cruciatu subinde foras emitteret: & multa alia cum
 de sua valetudine, deque grauioribus negotijs, tum de sua
 quoque firma in Deum fiducia, valde confidenter & amian-
 ter summa cum animi sui præsentia & fortitudine, coram
 Episcopo prudentiæ pietatisque nomine laudato, & vete-
 ri amicitia familiaritateque sibi coniunctissimo, commemo-
 rabat. Accidit autem, vt pedem eius dexteram grauiissi-
 mus quidam & acerbissimus dolor invaderet, qualem an-
 tea nunquam in omni vita sua senserat: qui nullo momen-
 to temporis intermisso, quod vnus adhuc illi remanebat
 omnium

Dominus Vincendus Lau-
 reus Tropici qui a Greg.
 Xy. de anno 1563. Car. 9.
 creatus fuit.

omnium laborum & sollicitudinum perſugium, ſomni ſacul-
tatem interturbabat, nec vllum proſus trij & quietis
beneficium concedebat. Cui remouendo cum eſſet à me-
dicis remedium excogitatum, nec vllam tamen adferet
doloris leuationem, in ſummis illis anguſtijs, facta Pij V.
Pontificis honorificentiffima mentione, frequentius incla-
mabat; Auges Domine dolorem, auge & patientiam. Tū
& illa Pſalmiſtæ verba ſapius iterata proſerebat. Si iniqui-
tates obſeruaueris Domine, Domine quis ſuſtinebit? Iram
tuā Domine & flagella quis ſuſtinebit? Tum & illud, Non
ſecundum iniquitates noſtras retribuas nobis &c. Et cum
eſſet affecto pedi paulo frequentior adhibita medicina,
Iam ne me, inquit, vt S. Laurentium vſtularis? Nondum
eius dies feſtus aduenit, & vſtionem ſentio, & vtinam di-
gnus inueniar, qui cum illo pro Chriſto ignes omnes &
vſtiones pari conſtantia animique ſortitudine perferam.
Cum autem vis doloris nequidquam remitteret, ſignifi-
cavit medicis, vtrum forte expediret, vel aſſiſtum & dolen-
tem, vel etiam vtrumque potius pedem abſcindere, & re-
liquum vniuerſum corpus ſeruare: ſperare ſe in Dei miſe-
ricordia, quod etiam claudus ad Regni cæleſtis poſſeſſio-
nem perueniet. Interim tota mentis animique contentio-
ne preces ſuas ad Dominum effundere non ceſſabat.
Quamuis enim dolor erūis ſomni ſaculratem omnem
ademiſſet, ſæpe tamen tanquam dormiturus ad parietem
ſe conuertit, vt liberius abſentibus nobis Domini implo-
raret miſericordiam. Illud autem ore ſuo benediſto & im-
pollutis labijs ſæpiſſime decantabat. O crux aue ſpes vni-
ca. O crux aue ſpes vnica. Et intentis in cœlū oculis ſigno
Sanctiſſimæ Trinitatis, prò veteri more ſuo, tribus coniu-
ctis digitis, ad ſignificandum S. Trinitatis myſterium, ſub-
inde ſe muniebat. Cum autem videret morbi vehemen-
tiam omnes medicorum artes eludere, cum quadam ani-
mi hilaritate medicinarū, quas ſemper coniecturas appel-
labat, imbecillitatem & inanitatem arguebat; medicis au-

tē culpā omnem, non medicinarum imbecillitati, sed
humorum acerbitati tribuentibus, & meliorem valetudi-
nem promittentibus dicebat. Vos me semper consolami-
ni, omniaque meliora promittitis, & bene facitis, hoc
enim à vobis requirit officium vestrum: sed video quod
operas vestras frustra consumitis: sanate, si potestis, mor-
bum 76. annorum, & facile reliqua omnia incommoda &
affectiones corporis amouebitis. Non est iam quod tanta
contentione studiorum de valetudine mea laboretis: iam
enim tempus resolutionis meæ instat. Immo vero quan-
tas maximas animus meus capere potest, Deo & Saluatori
meo Iesu Christo ago & habeo gratias, quod nō vllis meis
meritis, sed per summam & infinitam misericordiam suā,
ad eum ætatis annum me peruenire voluerit, ad quem per-
uenit sanctissimus & doctissimus ille Doctor Ecclesiæ,
quem ego præ cæteris omnibus in vita mea colui, & imi-
tari quantum potui conatus sum, Diuus Augustinus;
qui & ipse in 76. anno ætatis suæ sanctam suam animam
Deo Saluatori suo reddidit. Quis sciat, an hanc mihi præ-
terea gratiam impetrabit, vt ego quoque animam meam
non solum eodem quo ille ætatis anno, sed etiam eodem
quo ille die, Iesu Christo Deo & Saluatori meo restituā?
sed nihil aliud volo, quam quod tu vis Domine. Fiat vo-
luntas tua, fiat voluntas tua. Paratus sum, & non sum tur-
batus. Paratus sum, & non sum turbatus. Spero certe,
quod mihi sanctus ille Doctor in occursum veniet, & ani-
mam discipuli sui Deo meo cui semper seruire conatus
sum, in veritate repræsentabit. Hæc ego diuini viri plane
diuinas voces cum sæpius ingeminari audirem, manum
eius sacram deosculatus, lachrymantibus oculis, Bono
inquam animo esto Illustrissime Domine, melius per Dei
gratiam habebis. Non solum diem D. Augustini sacrum,
sed multos præterea annos ad vtilitatem Ecclesiæ Dei &
nostram consolationem saperuiues. Ille vero manum ca-
piti meo imponens (lachrymis ista scribuntur N.) Cha-
rissime

rissime frater, inquit, ego te semper amavi, charumque
præ cæteris habui: rogo te, noli mihi adulari. Ego sentio
quod me calor naturalis pedetentim deficit. Tange pedes
meos, id ipsum iudicabis. Ego vero, Quidquid tandem fu-
turum est Illustrissime Domine, bono esto animo. Non
minus tu recte potes illis verbis te consolari, quibus seip-
sum olim consolatus est ex hoc mundo in cœlestem pa-
triam migraturus Arsenius: nam & tu septuaginta & am-
plius annis Deo seruiisti. Non potest mala tibi mors acci-
dere, qui sic vixisti. Ad hæc verba mea subridens Cardina-
lis, O quam, ait, labilem habes memoriam. Non Arsenius
fuit cuius tu verba recitas, sed Hilarion, cuius vitam de-
scripsit Diuus Hieronymus. Et quoniam instabat fe-
stum D. Marthæ, quæ Saluatorem nostrum hospitio gra-
tissimo excepisse legitur: Et ego, inquit, cum Martha Deū
meum sub tectum meum excipere hoc ipso die decreui.
Itaque die D. Marthæ sacro, cū horas canonicas deuotissi-
me genibus flexis absoluisset, Missam attentissime deuo-
tissimeque audiuit, iunctis semper & in cœlum elcatis
manibus. Cumque tempus sumendæ Eucharistiæ aduenis-
set, remotis omnibus puluillis in nudam humum ante al-
tare se proiecit: confessionem dixit lachrymis & singul-
tibus interruptam: & tandem (quod mihi perpetuæ laudi
gloriæque duco) sacratissimum Corpus & Sanguinem Do-
mini castissimo ore suo, impollutisque labijs, ex pollutissi-
mis & peccatorum sorditate contaminatis manibus meis
suscepit. Sic igitur lassus, & vix spiritum ducens, ad reficien-
dum corpusculum accessit: sed cum illi vis morbi & ar-
dor febriculæ quam tum primum deprehenderant medi-
ci, omnem prorsus cibi appetentiam ademisset, vix quid-
quam, idque inuitus & renitens, degustare potuit. Quam-
obrem iussit me ad mensam suam accumbere: si forte,
inquit, te comedente, milii quoque solita redeat cibi po-
tulusque appetentia. Quoties aurem à nobis, vt aliquid
ampliussumeret, admonebatur, & iam hoc iam illud offe-

rebatur, respondit. Cum olim pro continentiae virtute
Dominum deprecaretur Diuus Augustinus, dicebat
illi: Domine, da quod iubes, & iube quod vis. Sic & ego
vobis omnibus possum respondere, Dare vt possim fa-
cere quod iubetis, & iubete quod vultis. Intus existens
prohibet extraneum: quod si foras artificio medicorum
posset euocari, & somni beneficium, & appetentiam cibi
nullo negotio recuperare. Quoties aut intempesta no-
cte, aut continuatis vicibus, ad se medicum familiarem ac-
cersebat, summa cum animi sui humilitate factum suum
excusabat. Parcite, inquit, mihi rogo vos, quod vobis
hanc molestiam affero; necessitas id me vt faciam cogit:
certe non libenter id facio. Pridie igitur eius diei, quo
sanctam suam animam Deo creatori suo reddidit, an vel-
let domui suae disponere, priuatim ex eo, non sine maximo
metu offensionis & sollicitudine animi mei, quæsiui: sed
is placidissimo & animo præsentissimo mihi respondit:
quod in ea cogitatione versaretur, vt domui suae dispo-
neret: & cætera quidem omnia in animo suo disposuisse di-
cebat, sed in deligendis deputandisque Exequutoribus,
non possum, ait, exitum consilij mei inuenire. Hoc opus,
hic labor est: scio quam diuersum exitum habuerunt mul-
torum extremæ voluntates. Illo ergo ipso die Testamen-
tum conscripsit, & tenuissimæ hæreditatis, quam in hoc
mundo relinquebat, dispositionem absoluit: suoque signo
obsignatam in manus Petri Mariæ Vultani, Notarij pu-
blici consignauit. Quoniam autem vrgebatur à me, vt
quod cæperat, sine vlla intermissione absolueret, cum nul-
lam illi mentis partem, aut iudicij facultatem vis morbo-
rum ademisset; illico me in maximo metu versari subolse-
cit, ne iam imminente nocte spiritum exhalaret. Quam-
obrem ne timeas, ait, ista ego nocte non moriar; sed cras
per Dei gratiam reliqua expediemus. Assisteat illi conti-
nuo R.P. Oliuerius Societatis Iesu, quem in vita sua sem-
per habuit charissimum, & spiritualibus admonitionibus

ad mortem constanter perferendam adhortabatur. Eum ille fixis semper oculis, maximaque animi præsentia intensissime audiebat, & ad singula quæ requirebantur ab eo, respondere. Is quoque ut tū de Exequutoribus Testamenti, tum de loco Sepulchræ suæ sententiam diceret, lenissime & prudentissime admonebat. Sed Cardinalis memor Apostolici sermonis, Si nos iudicaremus, à Domino non iudicaremur: cum suam conscientiam in omnibus vitæ rationibus summa cura & studio moderari consueuisset; in hac quoque extrema vitæ fabula, summa cum deuotione animique præsentia, totius antea vitæ suæ generalem Confessionem præmittendam esse existimauit. De cæteris autem rebus antea se deliberaturum, quam aliquid constitueret, cum summa iudicii maturitate prudentissime respondit: suamque postea voluntatem & sententiam impo-
sita fide silentij aperuit, & ita se iam profunda nocte ad quietem composuit; sed vanus erat illius conatus. Auferebat enim vis doloris, & egestiones continuæ somni facultatem. Quamobrem totam illam noctem assistentibus & orantibus & lugentibus nobis, in summa molestia egit: Et subinde ex alto suspiria ducens, Si iniquitates, ait, obserua-
ueris Domine, Domine quis sustinebit? Domine quis sustinebit? Nec vlllo momento temporis animum à futuræ vitæ contemplatione, atque à fundendis orationibus auertit: sed horam septimam quæ fuerat ad celebrandum Missæ sacrificium assignata, sollicitè cupidissimeque expectabat. Quæ cum immineret, ut primum me ad lectulum assistentem aspexit, vos, inquit, heri sic mecum egistis, tanquam hac nocte mori debuissetem. Cæterum negare non possum, quod me valde sentio debilem, ita ut vix mihi sola respirandi facultas supersit. Quamobrem cuperem os meum modico vino vel etiam aqua ablucere, ut me paululum refocillem, & siccitatem oris quam sentio detergam. Sed quia sanctissimum Christi Saluatoris mei corpus & sanguinem hora vij. suscipere decreui, religio mihi est ali-
quid

quid in os immittere, ne videar ieiunij obseruationem;
quam sacri Canones præcipiunt, intemperantia quadam
& cupiditate victus fregisse. Cuperē itaque, ait, (erat enim
tenerrimæ conscientig, & abstinentiæ admirabilis, nec vn-
quam se quidquam scire præter Christum & hunc cruci-
fixum gloriabatur, & si quid sciebat, id ipsum scire se nō pu-
rabit: sed illud in corde perpetuo conseruabat, Beatus ho-
mo qui semper est pauidus, qui vero mentis est duræ cor-
ruiet in malū) ex P. Oliuero cognoscere, vtrū ante sumptio-
nem sacratissimi cibi liceat mihi saltem oris siccitatē quam
sentio abluere. Ego vero P. Oliuerium hora noctis fere
quinta conueni: qui sententiam in ea re mihi suam ape-
ruit. Cum autem ablutionem illam Cardinali porrexis-
sem, tanta cautione in os immisit, vt ne vel guttam qui-
dem vnicam passus sit paulo profundius descendere.
Quod vbi factum est, cæpit cum Thoma nostro matura-
nas horas de B. Maria Virgine ad Nites, cum maxima vo-
cis laterumque contentione, cumque lachrymis & suspi-
rijs deuotissime recitare: vbi vero ad præclarū illum & di-
uinum Diui Ambrosij & Augustini hymnum ventum
est: nequidquam renitentibus nostris, languentia & effæ-
ta membra in terram voluit prosternere, & genibus fle-
xis totam illam gratiarum actionem deuotissime recitare.
Accersiuit postea medicum, & excusatione maximæ ne-
cessitatis identidem præmissa, de noctis incommoditati-
bus, deque vitio ventris & gutturis questus est, quod som-
num in oculis suis non viderit, atque acerbissimos cruris
dolores egestionumque molestias pertulerit. Quibus, in-
quit, malis posteaquam nullum posset remedium inueni-
ri, ego ad alium medicum longe Galeno vestro præstan-
torem properabo, qui medicinas habet istis vestris suauio-
res, dulciores, amantiores, quas qui semel degustauerit,
nulla vnquam incommoda, nullam deinceps mortem in
sempiternum tempus sentiet. Sed mirum est, quantum
sunt in hoc paruo tempore omnia in me immutata, quam
factus

factus sum ad omnia inutilis . Nihil aliud facio;quàm in-
gero & egero , sit pro omnibus nomen Domini benedi-
ctum in sæcula . Nunc meum bene valere est non pessime
valere . Hora tandem septima P. Oliuerius ad celebra-
ndum Missæ sacrificium accessit, quem vbi Cardinalis aspe-
xit, ex lectulo suo surgere, & pro sua perpetua consuetudi-
ne , ante ipsum altare in medio cubiculo genuflectere vo-
luit. Nos vero ne faceret, neue se in hoc suo summo lan-
guore in apertum discrimen obijceret , magnopere roga-
bamus:& omni diligentia cauebamus, ne quod tentare vi-
debatur,etiam inuitis & reluctantibus nobis , in terram se
ex lectulo proijceret . Quæ res illi valde grauem & acer-
bum sensum doloris adferebat. Quamobrem semel & ite-
rum manibus me suis à lectulo, cui assistebam, remouebat;
dicens lingua nostra materna , Odstep polcuso , Discede
à me tentator: meque quem debeo cultum & reuerentiam
Deo & Saluatori meo exhibere permitte. Ego vero me à
lectulo paululum seiunxi : cæterum ille remoto præsidio ,
nulla ratione potuit languens & effæctum corpusculum à
culcitra subleuare . Caput tamen pedes suos in terram pe-
detentim demittere : quos cum alius quidam familiaris
eius Pisarzeroslei in lectulum reponeret, zelo maximo di-
uini honoris inflammatus , manibus eum à lectulo cona-
tus est remouere , Dimitte me , inquit, dimitte me : vt
supplicis in morem, debitum Deo meo honorem in terra
prostratus exhibeam . At cum aduenisset tempus Eucha-
ristiæ sumendæ , nullis precibus, nulloque nostro conatu
aut contentione retineri potuit in illo suo summo languo-
re , quominus è lectulo in terram se demitteret, & quan-
tum poterat demisse humiliterque Dominum venientem
in domum suam reciperet. Absoluta tandem peccatorum
suorum confessione , pectus suum sine intermissione ver-
berans, & cum Centurione lachrymis fletibusque persui-
sam ac interruptam orationem fundens; Domine non
sum dignus &c. signoque se Crucis muniens, panem ill-
lum

lum Angelorum sacratissimum accepit, & in lectulum tandem reponi passus est, quod reliquum erat Missæ summa cum attentione audiens. Absoluto Missæ sacrificio parum aliquid cibi refectiois gratia accepit. Deinde Sacramentum sacræ & extremæ Vnctionis impartiri sibi petiit: quod extremum officium pernitente loci Curato, ut ego illi manibus meis licet indignis impartire, ad perpetuum meum erga ipsum cultum & oblationem proprie pertinere putavi. Ipse vero inuictio quodam animi robore sacrum illud oleum aspiciens, & ad eas quæ recitabantur ex Sacerdotali Rom. orationes accuratissime respondens, apertumque pectus ostendens, quale semper in omni vita sua gerebat, seque quantum poterat in omnes partes reuoluens, & membra ad suscipiendam sacram illam armaturam offerens, summa cum attentione maximaque ceremonia sacramentum illud extremæ vñctionis deuotissime suscepit. Deinde cum paululum à labore respirasset, oculos ad vniuersam familiam conuertit: quam cum in terra prostratam, orationesque fundentem & plangore maximo lamentationeque cubiculum complentem aspexisset, ab omnibus in vniuersum condonari sibi petiuit, si quenquam vnquam in aliqua re offendisset; seque vicissim omnium erroribus veniam ex animo impertiri professus est: ad extremum etiam sacra sua & impolluta manu alius ut poterat eleuata, ternis vicibus benedixit, dicens; Dominus vos benedicat, Dominus vos custodiat, Dominus vos ab omni malo conseruet. Qui tum fuerit eiulatus omnium, quæ profusio lachrymarum, qui singultus & gemitus, si adhuc in oculis meis lachrymæ, quas plurimas in illius temporis commemoratione, & in his meis acerbitatibus effundendo, aruissent; coram oculis tuis quantum calamo & atramento possem, representare contenderem. Sed vidit eas Dominus & Angeli eius: cadentes in tanti viri morte guttas numerarunt. Pläne fecerunt omnes planctum magnū super ipsum: sicut olim super Stephanum viri timorati fecisse

esse leguntur. Accepta benedictione sacram eius manum
omnes ex ordine sumus deosculati. His omnibus ad eum
modum peractis, totam mentis animique sui contentio-
nem vir diuinus ad orationem conuertit, & Primam,
Tertiam, Sextam, vt vocant, deuotissime attentissimeque
recitauit: subinde Virginis gloriosæ & intemeratæ Dei
genitricis Mariæ intercessionem implorans, vt sibi viam
ad perpetuas Niues, & sempiterni temporis refrigerium
orationibus suis patefaceret. Cum autem ad Nonam ven-
tum esset; sufficit, inquit, iam non dicemus Nonam. Postea
me accersito, de quibusdam adhuc rebus animo plane præ-
sentissimo mandata dedit: & inter alia vt opera Diui Au-
gustini, cuius in omni vita sua semper fuit studiosus, Tho-
mæ Tretero familiari dilecto cederent, ordinauit: ea ve-
ro quæ Thomas habebat, Zolcinio assignauit. Quoniam
autem Episcopus Nepesinus triduanas per omnem dioce-
cesim suam supplicationes pro salute salutaris Ecclesiæ
Dei viri instituerat; accidit vt hoc ipso temporis momen-
to penes palatium transirent ad ecclesiam Beatæ Virginis
puellæ quædam virgines non pauca, cantantes Litanias,
& valetudinem cardinalis castissimis labijs Domino com-
mendantes. Quorum vocem cum audiuisset, quæsiuit
quænam essent ista Cantica. Ego vero quod res erat dixi;
quo modo Episcopus publicas supplicationes instituisset:
& quod voces quas audiret, erant voces castissimarum &
Deo amabilium virginum, pro salute & incolumitate sua
Deo, & gloriosissimæ Virgini Mariæ supplicantium. Ille
vero vehementer exhilaratus, eleuatis in coelum mani-
bus, magnas, ait, ago gratias Episcopo, & istis virginibus,
& omnibus, qui pro me misero peccatore sollicitudinem
istam capiunt: scio quod magnum pondus habere apud
Dominum castissimarum virginum, & inuocantium pue-
rorum orationes consueuerunt. Sed nihil aliud ego volo,
quam quod tu vis Domine. Fiat voluntas tua. Ne momen-
to quidem temporis viuere cupio, ultra quod constituo
mihi

mihi Dominus. Paratum cor meum, Paratum cormeuum.
Iussit deinde Dominicæ Passionis historiam legi: in qua
cum ventum esset ad eum locum, vbi Petrus Apostolus
Christum negasse perhibetur, & P. Oliuerius Domini er-
ga ipsum misericordiam & ignoscendi facilitatem, tum
& hoc quoque pluribus verbis commemorasset, quod
Cardinalis numquam per Dei gratiam Christum negas-
set, nec vnquam de nomine eius erubuisset, sed aperte po-
tius coram hominibus, & coram omni ecclesia malignan-
tium, & vbiicumque id officij ratio, & incredibile animas
Christo lucrificandi desiderium requirebat, confessus,
hæreticos præterea quod Christum negassent, in omni-
bus dictis & scriptis suis constanter & intrepide persequu-
tus esset: eleuatis in coelum vir diuinus manibus, alta vo-
ce dixit; Christe fili Dei viui; tu scis quod ego te, nomen-
que tuum non negaui: tuum enim hoc esse beneficium lu-
bens agnosco, agoque tibi hoc nomine summas gratias.
Absit à me, absit ab animo meo, vt te negare vnquam vo-
luerim. Quoties autem fiebat nominis Iesu commemo-
ratio, toties languentem atque deficientem dexteram ad
caput attollens, pileolum de nitentibus comis, in hono-
rem huius sacratissimi nominis deponebat. Cum alapa-
mentio facta est, os ipse quoque suum eleuatâ manu ver-
berauit. Vbi vero flagella & spinea corona commemora-
tur, & P. Oliuerius acerbiter illius doloris, quem Sal-
uator noster pertulit, ob oculos poneret, atque ad forti-
ter ferendam mortem, & quidquid tandem Dominus
permisisset, adhortaretur, Cardinalis respondit; Fortiter
& constanter, Fortiter & constanter. Cum autem ad illa
verba ventum esset, vbi Dominus spiritum emisisse legi-
tur, ad parietem capite paululum conuerso, alta voce, ita
vt ab omnibus exaudiretur, Dominicam orationem &
Angelicam salutationem articulatim distindeque recita-
uit. Illud identidem commemorans, O crux aue spes vni-
ca, O crux aue spes vnica. Tum & illud, Per passionem tuam
Christe

Christe salua nos. Tum & illud; Iesu Christe fili Dei vivi
misere mei. Tum & illud, quod in omni vita sua in ore
atque in animo suo perpetuo habuit; Mane nobiscum Do
mine, Mane nobiscum. Domine. Crucifixi præterea ima
ginem sic amplexabatur, sic in manibus habebat, sic clauo
rum vestigia osculabatur, vt plane ostenderet, quam ar
dētibus erga Deum fuerit in omni vita sua charitatis igni
bus inflammatus. Iussit postea ad se nepotes suos quos
charissimos habebat accersiri, quibus ad lectulum prostra
tis, & lachrymas profundentibus, sacra sua manu in caput
Domini Stanislai Hosij de Bezdan imposita, sanctam suā
benedictionem omnibus impertiuit. Tandem autem ora
tionibus quæ legebantur à P. Oliuerio intentus, & signo
sanctissimæ Crucis pectus suum frequenter muniens, at
que ad pleraque etiam respondens, cum aliquoties illa Sal
uatoris verba deuotissime iterasset, In manus tuas com
mendo spiritum meum; Iesu quoque salutare nomen in
uocasset, percontantique Patri Oliuerio num quæ lege
bantur omnia intelligeret; bis ac ter respondisset, Intelli
go, Intelligo: postquam prorsus omnia quæ pro animæ
commendatione præcipit Ecclesia, lecta peractaque fuis
sent, illo ipso Beatæ Virginis Mariæ festo, quod in Non
Aug. inciderat, hora nona qua spiritum suum Dominus in
Cruce emisisse legitur, plenus dierū & gratiæ Dei, plenus
omni sapientia & intellectu, in senectute bona, quietissi
me & placidissime obdormiuit in Domino. Quæ sequen
ta sunt, non calamo & atramento, sed lachrymis tibi scri
berem si legere posses. Hoc vnum addo, quod in huius
tam sancti, & in omne tempus laudati Cardinalis transitu,
re ipsa cognoui, preciosam esse mortem Sanctorum in con
spectu Domini. Tum & illud verissimum esse deprehen
di, quod à quodam S. Patre dictum est; Non potest male
mori, qui bene vixerit. Plane enim fuit cōsentientes initijs vi
tæ exitus. Plura non possum in hoc meo incredibili & vix
vnquam consolabili dolore. Nam & oculos meos ista com

memoratio fieri debilitauit, & manum dolore impedi-
uit. Amisi ego patronum beneficentissimum. Amisit Ec-
clesia defensorem acerrimum. Amisit patria ciuem pru-
dentissimum, Amisit Roma Cardinalem sanctissimum.
Amisit orbis christianus ornamentum maximum. Ami-
sisti tu amicum beneuolentissimum. Et putas iacturam
hanc siccis oculis commemorari posse? Quamuis ego po-
tius dicam, non amisimus sed præmisimus in æterna taber-
nacula, vbi nunc & in sempiternum tempus pro nobis &
pro vniuersa Ecclesia Deum patrem misericordiarum de-
precabitur, sicut in carne viuens incredibili animi conten-
tione deprecari consueuerat, vt ne sit amplius inter nos
Iuda & Israel, Roboam & Ieroboam, Hierusalem & Sa-
maria, sed vt sit multitudinis credentium cor vnum & ani-
ma vna, vt sit vnum ouile & vnus pastor. Tum etiam vt
nos qui viuimus, qui residui sumus, studia nostra omnia
ad Dei laudem & gloriam conuertamus: & vt antequam
moriatur, moriantur in nobis vitia. Hoc enim intelligen-
tissimi quique viri, atque adeo Vrbs vniuersa vno ore lo-
quitur, quod statim vt ex corporis sui domicilio illa Deo
amabilis anima excessit, in Beatorum sedes translaa, vitæ
coronam accepit: cum ob immensam & infinitam Dei mi-
sericordiam, in qua semper omne salutis suæ firmamen-
tum collocare consueuerat: tum ob vitam in timore Do-
mini, & in custodia manditorum eius, ab ipsis incunabulis
vsque ad vltimum vitæ diem, fideliter ac religiose actam,
laboresque pro Ecclesia Christi magno cum fructu utili-
tateque susceptos: tum vero etiam, quod si quam illius splē-
dori labeculam humanæ conditionis infirmitas aspersit,
sicut ante dies aliquot apud Illustrissimum Dominum
Cardinalem Senonensem, in signatura, vt vocant, Officij
S. Poenitentiarie, viri quidam virtutis & sapientie laudi-
bus celeberrimi, presente me retulerunt: ac idem ante mul-
ta sæcula plerisque alijs sanctissimis & laudatissimis viris,
ex Ecclesiasticis Annalibus accidisse memorarunt: quem

in vniuerso vitæ cursu totis septuaginta sex annis num-
quam in corpore suo senserat, acerbissimus ille ac prope
intolerabilis cruris dolor absterisit atque expiauit, vt ne
quæ, sicut ait Paulus, ligno, tænum, stipula remaneret, quæ
posset ingressum illius in æterna tabernacula, in transitu
flammei versatilisque gladij remorari. Quo nobis quo-
que peruenire concedat, qui viuit & regnat in sæcula sæ-
culorum. Bene vale, nosque quod facis ama, nec amare
desine, atque hanc orbitatem nostram & istam miseram
vitæ rationem (nihil enim habeo cum Hosium non ha-
beo) in tuis orationibus Diuinæ bonitati commenda.
Dat. Romæ XVII. Calen. septembris, Anno MDLXXIX.

399. lat. 2

4